

續修四庫全書



《續修四庫全書》編纂委員會編

續修四庫全書

上海古籍出版社

一五三二・集部・別集類

梅翁詩鈔十五卷補遺一卷	〔清〕汪士鐸撰	一
抱真書屋詩鈔九卷	〔清〕陸應穀撰	一一一
海國勝遊草一卷	天外歸帆草一卷	二〇七
	〔清〕斌椿撰	
肩齋文集八卷	肩齋詩集四卷	二三五
	〔清〕張穆撰	
通甫類藁四卷續編二卷	通父詩存四卷詩存之餘二卷	三九七
	〔清〕魯一同撰	
復莊詩問三十四卷	〔卷一至卷九〕	五六一
	〔清〕姚燮撰	

悔翁詩鈔

合肥張氏
味古齋刊

悔翁先生小像

光緒癸未莫春
句官後學尚北山散撫



詩
小像

味古齋

無才干祿無策匡時量已
守分虛靜是期雲歸巖
宗鶴去音隨咄此安何敢
燭耀為光緒十年九月悔翁
自贊

上園室孫錫鳴書



悔翁詩鈔

〔清〕汪士鐸撰

據湖北省圖書館藏清光緒張士珩味古齋刻本影印原書版框
高一七五毫米寬二六〇毫米

梅翁詩鈔目錄

卷一

四五言詩六十八首

卷二

五古四十一首

卷三

五古六十二首

卷四

五古三十四首

卷五

五古三十首

詩中錄

卷六

七古四十七首

卷七

七古四十三首

卷八

七古二十六首

卷九

五律九十首

卷十

七律七十一首

卷十一

七律五十六首

卷十二

七律六十九首

卷十三

七律七十三首

卷十四

七絕九十首

卷十五

七絕八十首

補遺

古今體詩一百四首

詩中錄

二

味古齋

先生天性簡夷雅耆典籍貧賤患難弗渝素懷一切塵緣皆糠粃已曾文正公以謂芳絜欲師陶靖節湛冥略近蜀君平蓋紀實也文字語言非所措意掇拾所見聊志鱗爪云爾光緒甲申受業合肥張士珩謹識

梅翁詩鈔目錄終

梅翁詩鈔一

江甯汪士鐸

庚戌十二月十九日祭蘇文忠公於黃樓作一百

韻

芒芒禹跡畫此徐州東控淮海上應降婁惟公誕月值
斗牽牛分符作牧弗競弗絳婦孺忻抃吏士歌謳文章
風節昭曜千秋侍從館閣匡贊皇繇赤舌燒城炎荒是
投賜環毗陵箕尾光流後七百年仰止山邱河魚大出
芳鬯新篘合賢賓從爲壽黃樓式誦前烈以侑觥籌昔
公下車偕弟子由床聯風雨詩和琳璆溫溫駕部河圖
天球暨迨叔黨卽席衣摠祈晴高廟植柳芳洲呂梁百

詩一

一

宋古齋

步嘯侶命儔堯文教授繭足何求清臣秉臬欲化鵩
長道魯寶遺文校讐山人放鶴笑傲公侯牙爲繡服羊
本束修大文磨琢天倪夷猶少游赴試潤色洪猷詩才
開婉道力清道明同秦鑑利辟吳鉤山谷投贊再唱再
酬猗荅桃李取喻最優笙簫洞壑仙人綢繆比之鸞鳳
豈杼嘲啁啗杏園斗室菊壓輕舟雞豚在御蒲桃滿甌參
寥揮塵英盼轉喉洞簫吹月不必篴篥成虧今古泊然
一鷗載祈靈澤戾止神湫竹弩射石僕姑誰抽牙霜毛
雪載沈載浮月龍日虎若躡若蹂嘉禾仰膏雨沛雲油
荆山峨峨澗曲谷幽爰相爰度石頑木樛妄云溝畎乃
生瘡疣桓魋久朽惟餘松楸雷琴一鼓山水悠悠曹邨

既決六塔徒修河入碭蕩徐方是愁負戶沈鼃雉堞緣
蚪公親畚鍤徒跣甌窶牢城奉化軍捷如猴執挺召火
雨不敢休南起戲馬北屬城頭隄一千丈包如大裘野
食露宿髮若禿驚綸綍嘉之褒語駢稠天王上洪木岸
四周河流允翕民疾其瘳賓興有典鳴鹿呦呦西貢京
洛北姬魯鄒吹笙釋菜衣絲弁俸金須淘汰玉藉雕鏐
蘭芷旣拔珊瑚齊收春華受露秋鷹脫鞵水寒田瘠法
有吳嚶炎官火繖赤幘朱旒其光熊熊其氣烜烜貓虎
同祀螟蟥是憂以糞以沃且耨且耨人日俱乘講禮春
蒐流星比箭長虹曳旂錦飛關戟纓影兜鍪葵依戎帳
隼動金眸毛血紛沓狐兔冥搜將官雷勝勇如虎彪武

詩一

二

宋古齋

士雲萃迅走驂駟城南班獲斜日回輶載燂載魚以佐
庶羞鳴鶻初歇爰念懷柔利國鐵冶微山之陬郊費旣
荒泗沂爲溝塢張掖攘狗盜鼠偷長吏相視富民是仇
公籌上策保庶有鳩寓兵團練長戟夷矛師無乞魯鑄
不停歐殲厥渠率保此田疇屯靜傳燧野絕鳴桴萬有
千載實賴良謀緬昔攝提製錦秦郵吳趨聽鼓皆薦隨
湑今茲嘉平吉日敬諏邊有果餌簪盍應劉花豬告臚
兕觥其醪傑閣百尺鴻跡想留頰視濁河冥契仙騶匪
去匪住如一浮漚飛雲片片朔風颼颼公騎黃鶴庶其
來游

鳳凰

鳳凰孤飛有鳩哀之高下雖若或徠之一解

妖狐九尾首戴人顛金支翠旗遨遊五都二解

婉悶重閭鹽陵在房赫蹏細書寄者于長三解

我家告繇姤見金夫一陰五陽剝牀剝膚四解

蟻恃陂塘含沙射人河朧善怒揚噉吹蘋五解

北斗插天枉矢縱橫誰奏綠章舌燒長城六解

所謂芝草鈎烏頭庸醫處劑加鬼督郵七解

祀於泰山孟酒蹄豚祝宗用圭犧厥妖魂八解

一鵬一鴟一鴟一梟或泣或歌永夕永朝九解

嚴霜密雪飛電疾雷烈火相燎何物不灰十解

擬鮑明遠飛白書勢用原韻代

刻簾霜潔鷺緇冰鮮臂諸素月忽籠輕烟近追邈隸遠

配籀文直疑珠貫散若星分快掃晴雪淡抹春雲其峙

鵠立其動鸞飛其撇弩發其點鶴歸方則陣布張則虞

機墨瀋縱橫匠心獨逸野列方疏絲毫較密削牘雖盈

纍黍不溢故能小祇徑寸大或終匹縛帚散沙是惟絕

筆

五雜俎登甲榜往復還慎朋黨不得已甯山長

五雜俎黃金臺往復還慎求才不得已甯草萊

五雜俎絕者欲往復還慎梁肉不得已甯脫粟

五雜俎絕慶弔往復還慎言笑不得已甯山驕

五雜俎交道素往復還慎忌顧不得已甯布袴

讀阮籍詠懷

氣弱難作健虛左求同乘年力差肩隨才德較已勝草

甘蛩蟹游鳴和鶯雀應豈不慕黃鵠小大勢不稱

阮生志宏放遭時每慮禍作達寄其傲慎言不敢哆早

生炎漢中端笏侍青瑣終當一鶚奮豈屑二豪佐文士

不耕漁隱顯無一可揆華雖春葩薦筵始嘉果俯仰多

所懷達人患有我

雁木有定評蘇李安足數金石契原難荷鉏託場圃東

陵子母瓜芳鮮異臭腐比鄰皆沮溺分肉鼓社鼓悅懌

致村醪歡愛同簷廡寄身簪紱閒其災斯所取

首陽有嘉林太行或失路求仁一念專何當左右顧松

柏挺寒岡葭莢彌秋渡既發廣武歎益窘窮途步孫登

言可懷嵇生錯已鑄假令肆臧否將軍詎保護

調息箴

寂然萬象閤陰陽糾濛濛炎高下奠離鉛判坎求積

塊眾形母大氣撓使動五行互糅雜紛紜若蟻蠓異類

聚其方化機俟挺捫帝武苟未歆安能瓜瓞嗒百骸皆

蠢物宗氣執其總紫陽調息箴理可質周孔

有感

冰炭能相濟道術反相妒嬋娟不同貌酸鹹異所舖乘

勢而執一蟪蛄得雲霧班生敘九流殊派許共注巍巍

巨室煥主賓列奧昨柄耒効其任君無私喜怒

又

名實治之符辯慧亂之藥信在壹賞罰泰戒彫鑿案即調伊傅羹未必眾口說法立勇不守安用十堯桀險非太行坂皎若天山雪昔聞樓季健今乃同跛鼃秦楚可制挺況微等滕薛

又

有餘謀可豫能閒慮乃深繭足日百舍必有餘閒心尺璧不足貴貴此一寸陰及時集羣策公立法令森皦然智愚範諷勸皆虞箴豪傑豈易覲切忌浮與沈

又

詩一

五

朱古齋

强藩邦之垣患乃在尾大老吏習舊章舞文成世害交深二五耦禍變結中外仁者蕭斧厲乘勢刈蒿艾巨憝一旦除餘子等白郇復樸去彫華不才曷狼狽乘暇讀道經冥然安愚蠢

下青陽事

甲寅

貧者困飢寒富者多金珠居平不相下既亂貴賤殊上下雨青陽甘心爲馳驅借以快恩仇賤亦受其愚何來一監軍體貌美且都謂此眞誤事百室遭駢誅出示慰外小

賊中呼民俾各安居沾天道有巧還聞此聊歡虞

刺玫瑰花

甲寅

東風翦紫翠欲以娛嘉賓花有大智慧以刺衛其身可

望不可狎獨占寒巖春殘英甘萎敗矚然脫風塵高山亦有壑大川豈非津寄言傾城姝自立誠在人

謝人召從軍

咸豐甲寅在陶巷是年間七月前事

從軍異書記謀食必危殆主客戰守情偵察中有宰統統鼓聲急搖搖旌旄彩山迴米可聚敵大氣不餒莫府陳秘計致用實足采戀棧共旅進死綏有餘罪向寵性和淑才難萬斛載戰士卽虎貔戡亂恐有待頓眾對堅城百敬或一怠側聞士馬閒服食窮山海彼强已心驕從之陷殖醢愚公性本愚出處敢重悔

與張東序言四十八社團練事宜

甲寅

威望待他日才氣必出眾率馬必良驥長鳴須紫鳳知

詩一

六

朱古齋

勇非無人幾使吾入甕劉子大信佳士自命孫子仲小勝遽矜張遂蹈輿尸慟四十八社中巨室須梁棟要在羣情服不必傳巖夢將苟得韓白餉先謀賦貢旅人無所求安枕甘餒凍

張和伯未相識也聞予至介鄰人翁君致饋泉刀

因婉卻之其後亦未一晤也

甲寅

桑梓五十年未修相見禮何期流離中勞君致薪米溼竈方斷炊百感欲零涕再拜謝鄰叟聞命額有泚飢寒本同人立身識根抵請謁俟少暇殷勤再受醴

六都汪介堂宅所見

甲寅秋七月抵績溪仕五都馬村舖所作

緣溪徑彎環陂陀繞村柵竹根分風泉藤花綴霜柏抱

虛老仙人閒庭自蠟屐勿謂山家貧蒸藜餉遠客門前
黃檗峰閱世數千百千祿歎官卑置田嫌地窄錄事來
岱宗共指宿草白昨聞葛陂兒翁仲賣南陌持刀爭分
金鄰里大嘍嘖吾生食吾技未解衣裘帛祖孫廿三世
仍守五畝宅

漫興 甲寅

祝雞不知驚養魚不知蟹貴人侈食單貧士性豈解山
長筍蕨肥何用青錢買飯後自鈔書頗憎竹紙矮

汪介堂惠芝 甲寅

廬山歙州西陰陽氣萬狀將孕不朽材羣彙豫蘊釀煌
煌茁靈芝墜石護跌踢山人慣幽尋捫葛千仞上采之

詩一

七

宋古齋

遠見詒云此壽者相予方曠羈孤寒熱戰府藏惟乞不
肖軀歸骨先人曠呻吟恨爲儒文字拌覆醬兵燹日肆
屠客死豈云壯感君遠道思復緘告無恙商雒隔重深
雲樹幸相望

崇福寺東巖 甲寅

坦頭趨八都迤高不見地蟻旋得平壤斜剖若敲器佛
刹創輝煌殿腳躡蒼翠客堂雜僧寮緣峰勢累騎其東
景昭曠罄控縱六轡支筇欲出穴坎窞終恐墜始悟天
地寬狹隘道所棄身外盡荆榛山垤皆足蹟

楊林壩 甲寅

萬壑爭突突日月互向背西流孤鳥逝灑派六鷁退淳

爲古鏡影聲疑羣玉碎斷竹續長規釜鬻喜可溉魚梁
楊林西瀉洞供米碓水爲兩閒寶流沫亦歡愛質庶得
荒圃餘波灌吾菜物理何得失人事有興廢濬畎諸大
賢微塵裨泰岱

雞翁關所見 甲寅

兩溪爭若雌孤椒巍爲雄巖前設高關障水不許東子
行畏微嶺肩輿萬松中居民百餘家服食留古風拾薪
代煮餅不輟編籬工寸陰寶拱壁積勤乃奇功

棲霞寺壁詩 甲寅

亂山競東奔涂繞石鏡山下古寺俯幽巖轡銜御生馬
杉柏圍絕徑佛殿聳萬瓦僧雛采松菌湯餽餉游者方

詩一

八

宋古齋

丈頗爽塏奇石錯丹楮壁閒有留詩斐然近風雅君能
辨商齊惜予非子野

采薇子 甲寅

乞食野人家采薇亦柔止灑血西山巖采薇亦剛止黃
陶金正兩故人殊不問鄉里縛松爲不律倚石爲苔紙
時爲變微聲氣感揚之水身死髮仍完惟諱其名氏

三門亭見野祭 甲寅

松鬣張翠毯四補青山缺西南羣峰開豁然碧玉玦翼
翼三門亭石色堅於鐵微行過灌莽數曲拂振闌扶杖
野老多謂今寒食節墟墓紙錢灰子孫貧賤血鵠立謀
一醉鶉衣綴百結挑磚皆徐徐乞餘誰屑屑幽菽畫棋

盤磨麥拌糠耘攝主跛以臨小婦嬉其咥拜跪村巫贊
滌濯流泉潔歸去緣田塍春樹有鵲鳩苦竹塞前山義
馭顧影映

花潭書屋示諸生 甲寅

無人庭可旋得士國斯重從來道集虛勿徒事諷誦英
謨括華夷亮節卑魯宋輦悅繡何爲惜陰求實用
焦卒貧賤身一介慎取與亦知簞食微奚用百夫禦奇
策率竿牘高文迺空語不見盛寒支傾仆仍亢拒
非講學不明非悟得旋失非誠志自紛非勇退必疾如
蒙固不才請以予爲質階級雖萬千躡足本於一
高材備八能碩學包九有磊落屈宋姿奇麗班揚手何

詩一

九

殊古齋

忽傾城姝歐蘇變老醜以韻文其文荀卿謂可否
士生千古後思議苦不進宛曲寡女絲開闢摩天刃一
倡復三歎五花翻八陳殿上長明鐙油火雨無燼
昌黎元和豪起衰振八代論聲由氣盛高下皆可愛揣
摩甜熟言市娼咿唔態由來鍾呂音不顧俗耳礙
文章貴義理吐屬重氣味設色最下乘然亦判涇渭咀
嚼九經腴精液滋腸胃農山餽飭才爭妍於百卉
桐城文派柔務極寫送致增長自忌短尚素痛刪翠游
心淡泊初名象悉吐棄么絃清夜彈記事非其類
一編經世文金萬鎰不換犂然分六曹精之則一貫氣
運日變化利弊細竄有身須致用是爲關雎亂

三門亭懷石上錦先生用前韻 甲寅

直道存宦場咸以正無缺有味苦口藥賜環不賜玦先
生事府主心非石則鐵羅列引案例剖決奉圭闡一署
頌高士冷眼抱介節十年游漢川一再見喋血手拋簾
中金東望鄉思結一肩雜卷軸此外悉不屑秋涼蘆簾
熟羹藜和米粒累卻諸侯幣踰垣若邱垤自甘窮餓終
蓋棺諡以絜惜子相見晚眾芳忽啼鵲德門子姓微停
車寒日映

聞葛君碩已故 甲寅

英英葛君碩五年未一面予患愚若魯君顧謙由彥貽
子青田石小篆鏤鐵線又作急就章蜿蜒蛟螭變自笑

詩一

十

殊古齋

熒獨叟奇光輝素絹自予游鄂垣逝者疾飛箭松老五
鬢墮霜寒六翻倦側聞琴瑟撤客塗清淚濺生芻不能
致空牀獨展轉

章秋漁先生 甲寅

秋漁老同門晚作德興令戴頭冒白刃有山無百姓城
失已數年闔然遇保正謂官宜早休自潔無垢淨今茲
且齟齬同評酒賢聖羽書馳旁午檄君細探偵新官速
催科勿誤軍興政感此挂朝冠林深路修復歸來仍讀
書仕塗同陷穽

五老峰周志甫山館 甲寅

羣峰莽刺空不使門有闕白雲出其背兩行列官閥獨

有薪樵者蛇行徑一髮茅舍三四楹書聲度林樾訪知
主人賢投刺通請謁瓦鐺淪茗甌山厨采薇蕨蕭然淡
旅愁晏坐五老月

引龍塘水入小圃 甲寅

徽嶺大障支黃檗塞其實上塘穴山腰千巖水奔湊蚰
邱列屏風龜墩設俎豆雲生穉拖尾霞蔚鳥懸喙采茶
女掇頤種薯男耕耨引溝禾足灌漚池麻可漚涉淺漸
知深測廣更量袤周千三百丈聲如萬牛吼飛瀑落下
塘淵靜繞村後纍纍冢墓多青青柞栢茂神魚或出遊
外蛇那敢鬪荇藻影欹斜笙簧韻交奏縱橫竹規修引
泉東北走柳飯烘桑薪花潭應蓮漏花潭書屋名浸潤及有

詩一

二

味古齋

閒沾漑至無厚書堂菰眾芳嘉樹植二楸千步泉脈長
四時土膏透開窗青翠濃遂忘予室陋老夫日昏旄諸
生學飮飯時此鑑毛髮涼月滿圭竇

贈馮經甫 甲寅

漢興至武帝乃有馬相如胸有千秋業家無擔石儲長
門賣賦後文園病渴餘時事更歷久何必封禪書
昨次東岸水斜繞叢山關承平布函丈難在患難閒荷
擔夫婦愚手足能寬閒徂徠石守道乃師孫泰山

菊 甲寅

春風喜華藻雕鏤徧花柳秋風惡其妍收拾無一有何
期圃中菊自言受命後檜柏結同盟霜露難然受肅殺

滿天地斬刈無好醜兀傲籬下姿獨享太古壽頽垣石
井月良儔瓦尊酒塗丹伴甘橘研朱綴杞枸偕予老禿
翁是爲商山叟

游後門自長嶺回 甲寅

山居歲月長澄觀諸物性各順其欲惡肫肫不爲政引
澗茶鑪潔鉏雲藥苗盛日喧梅多花泥壅筍易迸髡柳
析薪地修桑旁枝竟多歧物力分一本萬事正五年客
授樂因緣兩清淨問君何能然與世通弔慶了無戚族
黨翛翛得無競

詩一

三

味古齋

落日生寒烟秋林無靜葉四山若支牀丹翠褰衣極時
聞孤蜩鳴枝竄音暗接從游二三子閒步猶荷鋤歸塗
繞長嶺斷潦厲可涉竹逕轉紆遠始悟大道捷

上馮村觀祭祠 甲寅

溪回山愈狹巨石角互舐數轉忽入坎天然設埤現瓦
屋千百楹高祠門洞啟主人畢欄衫奔走列昆弟秩然
學官儀歡若家人禮事同薦酒脯情皆豐祖禰送神聲
色泯闔戶冠裳濟教化漸染深油油見愷悌蕭疎峯
中干戈氣一洗

與馮轍閒話 甲寅

建功乏敏才徒貴無奇骨覲然五鼎食何如牖下沒心
可質聖賢卑不儕隸卒味淡經本腴汲深理有窟遭命
誰挽回自反鮮觥觥偉哉村夫子循分甘糠粥

又

幼齡耆奇博陳書每獵祭期以方寸心包孕及萬世區區名物微冥搜動淹歲扁舟泛渤解思窺天地際尋源乾嘉來英儒此通蔽持以傲陸王得失真魯衛邇年兵燹閒解脫成蟬蛻化非效鵲鵬嘅不計蠅蚋道味虛寂生餘事漫鋪啜

汪介堂贈印

君六都人與余數見於馮村鋪也

閒雲不歸岫喜作他山客手持巨靈斧雕斲盤古石詰屈繆霞丹空明霏雪白真樸仿三橋點化師六籍要令千載後復覩臣斯迹贈予凡數印遠割浙水碧連舂銅液方瘦削犀角窄心期賤子名不朽託竹帛寒江倦鶴

詩一

三

味古齋

飛西雲捲瑤席挂颿郎官湖攜琴復于役佳期定三年松桂動歸魄就君結茅庵淪茗話今夕

溪行遇颿風書所經見

甲寅

旅舍多餘閒後山日往反類探泉脉幽高摩石齒斷蓴小青刻蹶蘆疎碧抽薤南坡百卉妍東風萬態卷餘馨落英飛無力穉枝踈岫雲斷又續闌然車揭幃曲澗激不渟鏗爾丸走阪驚沙眯牧晴灑塵汚餉飯祭餘紙錢亂村深酒旆偃陽鱗互潛伏乳鵲失縫綫強循岸高下忽迷途近遠袖遮口若訥脛急足已蹇崎嶇度魚梁竹林逢小阮扶持辟頽垣倏忽拔草楫聲轟萬籟喧崩離作湍堰飄蓬雪旋舞捲茅旆倒於噫氣賽牛吼積沙壅

豕圈遵塗動魂魄歸來拂袍襪鄰補雞豚柵婦進棗栗笄隱几聊欠伸桑陰斜日暝

感春

甲寅

春山知餉客青紅次第出獻爵薦庶羞不肯倉卒畢連亘千萬國纏綿九十日醉死少年場禿盡詞人筆獨有鐵石心深念起悼怵靡麗喪剛毅柔曼化僕質懷安百憂忘晏樂四體逸惻惻仁慈言墨墨乾沒術充然腴肉肥豪傑成廢疾每於小節放馴至大閑軼何如秋霜嚴晨鐘警蕭瑟新彈惠文冠六螽皆梳櫛坐使頑懦胸厥疾一旦失人心風俗閒百年孰凶吉

鎮頭章質庵夜話用贈汪介堂韻二君莫逆交也

詩一

十四

味古齋

甲寅

午食五老峰突來不速客主人代致詞累佐二千石游歷浙東西昨歸雙鬢白殷殷民物懷以貲始通籍自許東南陬復覩循良迹紅巾捲地來宵濟穀水碧棄物厭書多獨竄喜嶺窄起居盪心魂誰何問錢帛謀之山澤驪重理函丈席筆墨事褻鋏口舌代徭役話久風露涼前巖月生魄相隔濠寨司此後數晨夕

沿山紅卽杜鵑花也為戴老民賦戴死後徵乃不守張中丞芾甚哀之挽章云已惜國殤真馬革更難賢婦泣牛衣蓋實錄也戴山居殉難時門前忽徧生此花其初人以爲祥也

甲寅

古帝思歸淚孤臣去國血已湛要離族新割常山舌遂
合萬春恨徧染四山潔平生冰雪懷言念肝腸熱指天
日可誓出地石可裂生枝皆騰蛟有幹如屈鐵誰期草
莽中獨抱致身節昨聞瓊玉碎深惜珊瑚折空無一斗
粟何以慰同穴馬革願雖遂牛衣情亦拙大臣弔敝廬
對此乃悽絕回顧闔外人玉食鐘鼎列門前沿山紅無
言欲哽噎祈公哀此花耳莫聽啼鳩

江都司長貴 甲寅

用兵如用刀磨厲成秋水及鋒快一割鈍置終委靡英
英江都司決盪不惜死平時撫士卒若家人父子前敵
方求賢資格重金紫坐使頗牧才不能騁進止事機既
可惜豪氣困遷徙溪流晝夜逝氛烟日四起借問專閫
賢奚以續充耳

詩十

五

味古齋

悔翁詩鈔一 終

後學儀徵劉壽曾校字
受業上元羅震亨

悔翁詩鈔二

江甯汪士鐸

讀書

古人重心得次乃在言論所難方寸物薪傳至千萬百
念不獲已著書爲左券詞旨有經權人才別敏鈍未派
或燕粵初差只分寸一旦町畦歧枝葉相延曼爭持門
戶見單義遞轉取何期虛明德忽受縹緲困今茲狡而
執奚若侗而愿大或結朋黨小亦麗刑憲古人倘有知
以書爲遺恨

又

虞廷重搏拊周初已去琴關雖本燕樂漢易唐山音文

詩十

味古齋

質世損益救時須商霖力田發明詔選舉宜山林旁求
賁育將遠致梯航琛朝無洛生詠野聘梁父吟崇實黜
浮華戒囂必淵深動則雷電合靜則聲響沈妙在中
有定歧衷弗敢侵志誠復主敬太陽蝕羣陰一世三十年
鳳鳥爲苑禽

又

千年智慧祖汲冢與老屋千年辟世賢商山與徐福翹
才寄星槎少壯習耕牧遙覲鉛板書結契緇黃服長歎
歌唐虞閒情撫松竹本知千羽舞未必勝涿鹿闔閭縱
凶暴種蠡勸雌伏大賢紆嘉猷靜俟七日復魚潛澄潭
陰莫入豫且目一卷童子師百錢成都卜仰企相土威

聖道脫百六蛇虺毒雖盛秋風如轉轂

又

微陰才萌芽小鳥啼夜半非悼眾卉歇恐致羸豕歎五
婦用事故志士警枕圓時窺明星爛雞鳴戒羣動莫使
日月翫通達在知時不在弄柔翰窮理期實用中外豁
然貫休執茅叢儀襄古卑几案一陽動重泉復覩星雲
煥十一月復用事運氣有勝復微禽爲扼腕宵深安卑
棲晝永轉求旦達人審道機瞿絕歆畔

又

虞人省括同應機分鈍敏或遲若跛牂或疾若驚隼手
既總六轡駕恐絕兩勒莫倚先施姿薄鬢憚梳分儀態

詩一

二

殊古齋

不足顧欲舍誰不忍才分各自知引辟比邢尹見賢推
其穀袖手毋譽盾讓能古所貴幹事心亦盡氣真物皆
感路狹步不窘盃試雨前茶厨掘春林筍

八哀

汝生甘食貧好學愜余意卑弱女郎身孤高幽人志半
菽能忍飢女飯不萬卷得所寄佐余補史志冥討使薈
萃荆廣究豫州分別不雜廁佐余補南北史志於輿地尤分別部居不相雜御
輪甫半月汝壻攬長轡三臺高崔巍府主垂厚誼何期
玉樓召非關臺駘崇北堂有姑嫜禮當兩髦侍呼天共
姜詩沂流龐女事歸甯涕漣如言爲老父累余時疾雙
目聞此更垂淚霜桑不能陳恐爲後母棄女家有老桑嘗以霜後采

詩一

三

殊古齋

而儲之以醫吾目恐侍婢禮小愆遷怒果大恚搥床肆
後母陸黜故不敢陳侍婢禮小愆遷怒果大恚搥床肆
叫罵至今令人悸嫌隙一朝成凌虐百端至烽烟蔽江
來繞地遍賊幟公私盡塗炭陵谷易位置隨姑羈賊營
捆履自謀食余時微服行泣別不汝庇地難長房縮脫
無楚人悲賊婦盛防閑開關將誰慰賢哉汝叔才奇功
收垂翅辟地句曲城瘡痍極焦悴厨火晚不舉珠桂久
交匱時儻迎汝來恩慈或能遂念汝食指繁提攜聚老
穉荒谷居不易禽子共顛墜繼聞五月望我師失大帥
杞人憂已殷舐犢戚逾積比食每三歎在夕長不寐日
一腸九回北望交涕泗自媿爲人父不拯汝死地逾年
凶問至殉難在卽次冥思強達觀自茲理轉異已脫豺
虎羣此外鼠蟲臂魂氣無不之母妹不汝忤被髮訴大
荒爲厲率魑魅梃擊使伏枕高房熒火熾使焚死棄如
一醒天帝醉射無杜伯工刀無蔣文利精衛石可壘文
豹驂可騎繫亭垂前規殺之及不備吾爲鬼董狐奮筆
代汝記哀長女
出門代母答鞭朴不知血倚門望母歸秋陽不知烈弟
存父有後刀繩不忍絕弟亡父無兒薇蕨不肯齧匍匐
責姊生言死不言別支瓶省父病一痛形神滅何期中
幃中忽覩首山節烽火萬家破忠義寸念結晶瑩崑岡
玉能碎不能折使與賊婦語有口不存舌使爲賊婦書
有腕已如鐵崢嶸正氣滿敢致小雅缺哀哉全貞堂一

邱守吾拙 哀次女

忍死伏草閒以汝在襁褓遷昇已六世得汝吾已老狐
兔有時盡松楸賴以掃琴書猶差存手澤賴以寶汝母
當流離辛勤及濕燥竄伏易十宅仲姊日懷抱不期堦
下蘭未霜已先槁蕭條花園堆遽成歲博道何年返故
園老淚望秋草 哀男 秉疾

羣從祇六人性剛吾與汝一樽話平安投分泯齟齬黑
山滿城闕音問無處所委巷忽相見握手噤不語痛定
詢母妻路旁話辛楚暫爲雁行聯快如出囹圄仲冬吾
潛行轉徙客陶渚明年賊網寬郭門不之禦有人傳汝
蹤急趨失天暑出險復入險變色見閉拒歸臥病卽劇

詩一

四

味古齋

裸葬知何許聞茲大驚惋當食箸不舉相隔六百里寒
食奠酒清白骨埋故山憐余成溫序 哀天錫 從弟

汝昔猶在腹粉榆再離亂閒關六百里風雨偕雉竄旣
生又播遷土俗咸冰炭嶙峋義士氣一日百嗟歎辛苦
籌食衣甘苦邀同爨延醫治痘瘡調護及無算余館廿
里外望汝目欲斷獨夜不能眠賃廡在里閑招汝邨塾
前抱保必昏旦哀哉遇庸醫未疾委恆幹平生哀痛多
至汝不達觀自知將就木豈惟百過半闔族十六口城
闕供糜爛先德嗟餒而念此達髮旰或言汝重瞳恐不
嗜文翰豈知衰老心那期筆墨煥豚犬與麒麟隨俗笑
與讚祖祀苟可延文武事同貫昨登師姑山芊萋彌涯

灌爲立三尺石恐亦陵谷換 哀三男 寶沈

夫子吾宗傑布衣不負國自儉妻孥米循城餉軍食重
關旣不守視氣忽見墨慷慨以其鄰烈燄起頃刻九口
鬱攸中戟手呼殺賊天高慘不聞置風扇深黑平明瓦
礫閒枯骨尙僵植金印紆藍綬性理自矜飾遺禍徧東
南責僅一死塞夫子不知書忠義天性識妻子共灰燼
所死豈其職鴻毛與泰山私衷常惻惻故宅雖成墟精
誠上斗極飛電雷火中仿佛見顏色 哀宗人 松崖兄

女貞枝亦強兔絲蔓本弱汝幼卽婉孌肢體憂瘦削夫
媚稱宜家嬌兒能笑嚔順境不驕恣過後宛若長春
無幾時烽火一夕作汝父甘殉難母弟共燔灼汝壻爲

詩二

五

味古齋

賊脅驅之赴河洛淮水流湯湯趨如蛇赴壑懷中如珠
女同向中汴躍清白留人閒生女殊不惡百年無不盡
汝家甘湯鑊型于及西鄰遺芬到綽約始知烈士心不
獨爲毅魄 哀松崖 女童氏

衰宗如落葉安能十世普昆季凡六人其四已絕世況
復生女多難爲門戶計汝性篤孝友足使薄俗厲惟好
浮屠言未免憂通蔽叔母年八秩賴汝市甘脆寡嫂老
無子賴汝市珠桂塋荒賴汝修兄亡賴汝痊弱女賴汝
全族昆賴汝惠辛苦羣盜中智勇彌其際甘隨老稚亡
不忍一身逝遣妻使歸宗不必有同斃顛沛所布置綱
常借維繫往年天修刑羣寇互吞噬仇殺徧城市遷怒